

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

EUSKARA, KULTURA ETA KIROL SAILA

111/2017 Foru Agindua, martxoaren 17koa, onartzen duena udalek eta kuadrillek sustatutako kultura jardueretarako dirulaguntzen 2017ko deialdi publikoa

Euskara, Kultura eta Kirol Sailak Arabako Lurralde Historikoan eta Trebiñuko Konderrian, 2017ko ekitaldian, udalek eta kuadrillek sustatutako kultura ekimenei diru babes emango die.

Horretarako, nahitaezkoa da berariazko esparru bat ezartzea, sailak ematen dituen dirulaguntzen xede diren kultura ekimenak arautzeko.

Aginduzko txostenak aztertu dira.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Onartzea udalek eta kuadrillek sustatutako kultura jarduerak garatzeko 2017ko ekitaldian indarrean egongo diren dirulaguntzetarako deialdi publikoa; laguntzaren xede izango dira emakumeen eta gizonen berdintasunean eragin positiboa duten jarduerak. Deialdia 50.000 euroz hornituta dago, eta honen arabera arautuko da: Diputatuen Kontseiluaren urriaren 6ko 55/2015 Foru Dekretua, Euskara, Kultura eta Kirol Sailak lehiaketa bidez emango dituen dirulaguntzak arautuko dituzten oinarri orokorrak onartzen dituen (ALHAO, 123. zenbakia, 2015eko urriaren 21ekoa).

Bigarrena. Gastu hori babesten duen aurrekontu partida Arabako Foru Aldundiaren 2017ko ekitaldirako gastuen aurrekontuko 70.1.05.73.02.462.90.02 partida da (xedapen erreferentzia: 105.1147).

Hirugarrena. Organo eskudunak emango du, Kultura Ekintza Zerbitzuaren proposamena aztertuta, eman beharreko ebazpena, sei hilabeteko epean gehienez ere, deialdia ALHAOn argitaratzen denetik aurrera. Gehienezko epea igarota esanbidezko ebazpenik ez bada egon, esan nahiko du eskaera ezetsi egin dela.

Laugarrena. Ebazpen honek administrazio bidea agortzen du. Urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatzen duenaren arabera, aukerako berraztertze errekurtsoa jar dakioko Euskara, Kultura eta Kirol Saileko foru diputatuari, hilabeteko epean, egintza hau jakinarazi eta hurrengo egunetik aurrera, edota zuzenean administrazioarekiko auzien jurisdikzioan aurka egin dakioko bi hilabeteko epean, egintza hau jakinarazi eta hurrengo egunetik aurrera, administrazioarekiko auzietarako epaitegietan, uztailearen 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoaren arabera.

Bosgarrena. Laguntza eman edo ukatzen duen ebazpenaren berri emango zaie eskatzaileei, urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan aurreikusten dituen moduetan.

Seigarrena. Deialdi hau ALHAOn argitaratzea.

Vitoria-Gasteiz, 2017ko martxoaren 17a

Euskara, Kultura eta Kirol Saileko foru diputatua
IGONE MARTÍNEZ DE LUNA UNANUE

Eranskina - Oinarriak

Lehenengoa. Xedea eta helburua

Deialdi honen bitartez, dirulaguntzak eman nahi dira, lehiaketa bidez, eta horren helburua da Arabako Lurralde Historikoan eta Trebiñuko Konderrian udalek eta kuadrillek 2017rako sustatutako kultura ekimenak garatzeko laguntzak ematea, betiere emakumeen eta gizonen berdintasuna bultzatzen dutenak babestuta, Diputatuen Kontseiluaren urriaren 6ko 55/2015 Foru Dekretuak, Euskara, Kultura eta Kirol Sailak emango dituen dirulaguntzak arautuko dituzten oinarri orokorrak onartzen dituenak, xedatutakoaren arabera.

Bigarrena. Aurrekontu egozpena

Dirulaguntzen zenbateko osoa ezin izango da izan inoiz ere horretarako bideratu den zuzkidura baino gehiago, hau da, 50.000 euro, eta Arabako Foru Aldundiaren 2017rako gastuen aurrekontuaren "Udal eta kuadrillen kultura ekimenak" izeneko 70.1.05.73.02.462.90.02 partidari egotziko zaizkio.

Esleitzeko dirulaguntza bakoitzaren zenbatekoak ezin izango ditu gainditu eranskin honen zazpigarren oinarrian berariaz zehaztutako ehunekoak, eta inola ere ez du gaindituko 4.000 euro erakunde eskatzaile bakoitzeko.

Ez dute dirulaguntzarik jasoko, baloratutakoan, 300 euro egiten ez duten eskaerek.

Hirugarrena. Erakunde onuradunak eta baztertuak

Erakunde onuradunak:

Arabako Lurralde Historikoko eta Trebiñuko Konderriko udalak eta kuadrillak, salbu eta Gasteizko Udala eta hura parte den kuadrilla.

Baztertutako erakundeak:

Kanpoan geratuko dira Diputatuen Kontseiluaren urriaren 6ko 55/2015 Foru Dekretuak, Euskara, Kultura eta Kirol Sailak emango dituen dirulaguntzak arautuko dituzten oinarri orokorrak onartzen dituenak, hirugarren klausulan zehaztutako egoeretan dauden erakundeak, bai eta Euskal Autonomia Erkidegoko 4/2005 Legeak, emakumeen eta gizonen berdintasunerakoak, xedatutakoaren arabera zigortuak izan direnak ere.

Laugarrena. Diruz lagundu daitezkeen programak

Diruz lagundu ahal izango dira kultura sustatzeko jarduera programak, zeinen ezaugarriak esparru hauetan zehaztutakoari egokitu behar zaizkion:

1. Folklorea.
2. Eszena eta musika arteak.
3. Arte plastikoak, ikusmen arteak eta ikus-entzunezkoak.
4. Literatura, irakurketa eta liburuak sustatzekoak.
5. Ondarearen eta kulturaren zabalkuntza.

Lehenetasuna emango zaie genero berdintasuna barnean hartu eta genero estereotipoak desagerrarazten laguntzen duten kultura programei.

Jarduera programa bakarrerako eskatu ahal izango da dirulaguntza, eta jarduera horren aurrekontua 5.000 euro edo gutxiago (BEZa barne) izango da. Programa horrek diruz lagundu daitezkeen esparruetako batekin baino ez du izango lotura.

Dirulaguntza jasotzeko edota jaso izana justifikatzeko, dirulaguntza esleitzeko ebazpenak aurkakoa adierazi ezean, ez dira kontuan hartuko gastu hauek:

- a) Entitatea mantendu, kudeatu eta funtzionamenduan edukitzeko gastu orokorrak.
- b) Ondasun higigarriak eta higiezinak erosi, konpondu eta zaharberritzeko gastuak.
- c) Bidaia, ostatu, publizitate, ordezkaritza, protokolo eta opari gastuak, eta antzekoak.
- d) Edozein argitalpenen edizio gastuak, berdin diolarik zein euskarritan eginak diren (papera, CDa, Web-a eta abar), ezta ondoren egingo den ustiapena ere.
- e) Dantzaldi eta jai, ospakizun, erromeria eta herriko jaien inguruko ekitaldiek sortutako gastuak, salbu eta Araban tradiziozkoak diren herri partaidetzako kultura ekintzak.
- f) Aisialdiko eta/edo denbora-pasako jarduerak, jaiek eta jarduera ludikoek, kirol jarduerak eta espezifikoki kultura arlokoak ez diren beste batzuek sortutako gastuak.

Ez dira diruz lagunduko Arabako Foru Aldundiko edozein sailek zein haiei atxikitako edo haien eskumenekoak diren edozein erakunde sustatutako beste jarduera, programa edo ekimen batzuetan jasotako programak.

Urriaren 19ko 11/2016 Foru Arauak, Arabako Lurralde Historikoko dirulaguntzenak, 29.3 artikuluan ezarritakoa betez, 18.000 euro baino gehiago bada erakunde hornitzaile bakar baten eskaintzari egotzi ahal zaion diruz laguntzeko moduko gastuaren zenbatekoa, erakunde onuradunak eskaintza bana eskatu beharko die gutxienez hiru erakunde hornitzaile, zerbitzua emateko konpromisoa beren gain hartu baino lehen, salbu eta, diruz laguntzeko diren gastuen ezaugarri bereziengatik, nahikoa erakunde ez badago zerbitzu edo hornidura hori egiten duenik edo salbu eta dirulaguntza eskaera baino lehenago egin bada gastua.

Bosgarrena. Eskaerak aurkeztea

1. Eskaerak Euskara, Kultura eta Kirol Saileko diputatuari zuzenduta bidali beharko dira, I. eranskinean argitaratzen den ereduari lotuta. Eranskin horretan adieraziko da zein egunetan bukatuko den dirulaguntzaren xede den jarduera.

2. Eskaerekin batera agiri hauek aurkeztu beharko dira:

a) Administrazio agiriak.

– Egiatagiri bat, erakundearen organo eskudunak eskaera baimentzeko eta gastuaren zati bat finantzatzeko hartutako erabakiarena, zeina eskaerak aurkezteko epea bukatu baino lehen hartua izan beharko den.

b) Agiri espezifikoak:

– Jarduera programaren proiektua. Proiektu horretan, balorazio irizpideak osatzen dituzten alderdi guztiak jasoko dira (eranskin honen 2. puntuko zazpigarren oinarria), eta banan-banan honako hauen gaineko azalpenak eman beharko dira:

– Kultura programaren azalpena, honako hauek jasoko dituen: proiektuaren justifikazioa, bete nahi diren helburuak, jardueren xehetasunak, behar diren baliabideak eta programa norentzat izango den

– Zein hizkuntza erabiliko d(ir) en

– Proposamen berritzailea den, edo proposamena bera sendotzekoa den

– Programako jarduerak noiz egingo diren (egutegia)

– Jarduera programaren gastu eta diru sarreraren aurrekontu xehatua. Diru sarreraren atalean zehaztu behar dira beste administrazio batzuei eskatutako dirulaguntzak, erakundearen ekarpena, Euskara, Kultura eta Kirol Sailari eskatutako zenbatekoa eta bestelako diru sarrerak, halakorik badago.

– Jarduera programan genero ikuspuntua txertatzeko zer neurri abian jarriko den ere zehaztu daiteke; bereziki nabarmenduko dira genero rolak eta emakumeen eta gizonen ikuspegi estereotipatuak desagerrarazteko egiten direnak. Datuak sexuaren arabera berezita jasotzeko mekanismoak ezar daitezke.

c) Beste hainbat agiri:

– Erakunde eskatzaileak genero berdintasunari dagokionez izan duen ibilbidea. Alderdi hauek azalduko dira:

Berdintasun plana edo Berdinbidean zerbitzuarekin lankidetzan aritzeko konpromisoa izatea edo berdintasun neurriak dituen konpromiso idatzia; berdintasuneko prestakuntza; idatzizko eta ikusizko hizkuntza ez-sexistaren erabilerari buruzko jarraibide idatziak; sexuaren arabera bereizitako informazioa; berdintasunerako aurrekonturik dagoen ala ez; antolatzen diren jardueretan berdintasuna sustatu eta babesten den, eta abar.

Seigarrena. Aurkezteko epea

Eskaerak aurkezteko epea hogeita hamar egun naturalekoa izango da, deialdi hau ALHAOn argitaratu eta hurrengo egunetik aurrera.

Zazpigarrena. Prozedura bideratzea eta balorazio irizpideak

1. Arabako Foru Aldundiko Euskara, Kultura eta Kirol Saileko Kultura Ekintza Zerbitzua da espedientea izapidetzeko organo eskuduna.

2. Balorazio irizpideak:

A) Jarduera programak zenbateraino laguntzen duen kultura sustatzen, eranskin honen laugarren oinarrian deskribatzen diren kultura arloak oinarritzat hartuta; horri, gehienez ere, 35 puntu emango zaizkio, eta banakapen hau izango da kontuan:

Kulturarekin zerikusia duten jardueren programazioa, zabalkundea eta erakusketa: 35 puntu.

Kulturarekin zerikusia duten prestakuntza eta sorkuntza jardueren programa: 25 puntu.

B) Jarduera programaren ekarpena kultura berrikuntzari edo lurraldearen intereserako kultura proposamenak finkatzea: gehienez ere, 20 puntu. Hona banaketa:

– Jardueraren izaera berritzailea. Proposamenaren originaltasuna eta berritasuna eta udalerrian edo kuadrillan antzeko jarduerarik ez egitea: 20 puntu.

– Kultura proposamenak ibilbide luzea izatea eta finkatzea. Jarduera gizartean errotuta egotea bost urtez baino luzaragoan: 10 puntu.

– Aurreko irizpideetakoren bat ez betetzea: 0 puntu

C) Aurkeztutako proiektuaren kalitatea. Gehienez ere 15 puntu izango ditu lortu nahi diren helburuen deskribapen koherentea eta argia, programa osatzen duten jardueren zehaztasuna, baliabide materialak eta giza zein teknologia baliabideak izateak, garatu nahi diren jardueren berme gisa. Hona banaketa:

Lortu nahi diren helburuen deskribapen koherentea eta argia: 6 puntu.

Programa osatzen duten jardueren zehaztasuna: 4 puntu.

Baliabideak dituela adieraztea: 5 puntu.

Aurreko alderdietako bat ere ez adieraztea: 0 puntu

D) Hizkuntzak: gehienez, 10 puntu.

Bi hizkuntzatan eta, hala badagokio, euskaraz egindako jarduerak: 10 puntu.

Zehazten ez bada: 0 puntu.

E) Genero berdintasunaren ikuspegia txertatzea diruz lagundu daitekeen jarduera eta/edo programen garapenean: gehienez, 20 puntu. Hona hemen banaketa:

Berdintasun plana izatea edo berdintasunerako neurriak dituen konpromiso idatzia: 3 puntu.

Erakunde eskatzaileak genero berdintasunari dagokionez izan duen ibilbidea, aurkeztutako agiriaren arabera: 2 puntu.

Berdintasunari buruzko edukiak jasotzen dituzten programa edo kultura jarduerak: 10 puntu

Dirulaguntzarekin zerikusia duten agirietan idatzizko eta ikusizko hizkuntza ez sexista erabiltzea: 3 puntu.

Pertsonen informazioa sexuaren arabera bereizita egotea: 2 puntu.

Irizpide bakoitzari dagozkion puntuen batuketak guztirako kopuru bat izango du emaitza, eta eskala honetara ekarrita, emaitza horren araberako dirulaguntza adieraziko du, dirulaguntza kalkulatzeko aurrekontua oinarritzat hartuta.

PUNTU KOPURUA	DIRULAGUNTZAREN EHUNEKOAK
0-25	0
26-55	60
56-70	65
71-100	80

Eskaera kopurua eta eman beharreko dirulaguntzak direla-eta dirulaguntzaren guztirako zenbatekoak gainditu egingo balu deialdiaren diru hornidura, eta beraz, beharrezkoa balitz dirulaguntzen zenbatekoa gutxitzea, neurri berean gutxituko lirateke dirulaguntzaren erakunde onuradun guztien artean.

Zortzigarrena. Ebazpena

1. Balorazio batzordeak aztertuko ditu eskaerak. Euskara, Kultura eta Kirol zuzendaria izango da balorazio batzorde horren burua, eta honako hauek izango dira batzordekideak: Kultura Ekintza Zerbitzuaren burua eta zerbitzu horri atxikitako bi teknikari. Euskara, Kultura eta Kirol Saileko Idazkaritza Teknikoaren buruak jardungo du idazkari lanetan, hitzarekin baina botorik gabe.

Euskara, Kultura eta Kirol Sailak, egoki iruditzen zaion kasuetan, datuak edo argibideak eskatu ahal izango ditu aurkeztu diren agiriei buruz; eta, eskaera horiei ez bazaie erantzunik ematen urriaren 1eko 39/2015 Legeak, administrazio publikoen administrazio prozedura erkidearenak, aurreikusitako epeen barruan, gerta liteke espediente atzeratzea, eta are artxibatzea ere.

2. Ez da entzunaldiko izapiderik egingo; izan ere, ebazpena emateko, erakunde eskatzaileek aurkeztutako gertaerak eta agiriak baino ez dira aintzat hartuko.

3. Organo eskudunak eman beharreko ebazpena emango du, Kultura Ekintza Zerbitzuak proposatuta, sei hilabeteko epean gehienez ere, deialdia ALHAOn argitaratzen denetik aurrera. Epe hori igarota esanbidezko ebazpenik hartu ez bada, interesdunek ulertu beharko dute eskaera ezetsi egin dela.

4. Dirulaguntzak emateko ebazpenean jaso beharko da dirulaguntza zer erakunde eskatzaileari eman zaien, eta espresuki adierazi gainerako eskaerak ezetsi egin direla.

5. Dirulaguntza eskaerari baiezkua eman bazaio, ebazpenean datu hauek agertuko dira: dirulaguntzaren zenbatekoa, ordaintzeko modua, laguntzaren xede den programa edo jarduera, aurkeztu beharreko agiriak eta zer baldintzatan ematen den. Gainera, ebazpena onuradunei jakinaraziko zaie bat etorri urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan xedatutakoarekin.

6. Dirulaguntza eman edo ukatzen duen ebazpenaren berri emango zaie erakunde eskatzai-leei, urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan xedatzen dituen moduetan.

7. Hainbanaketa egitearen ondorioz dirulaguntza murrizten den kasuetan, eta urriaren 19ko 11/2016 Foru Arauak, Arabako Lurralde Historikoko dirulaguntzenak, 25. artikuluan ezarritakoaren arabera, onuradunari eskatu ahal izango zaio bere eskaera berriro formulatu dezala, konpromisoak eta baldintzak eman ahal zaion dirulaguntzara egokitzeko.

8. Ebazpenak amaiera emango dio administrazio bideari eta haren aurka, uztailaren 13ko 29/1998 Legearen, administrazioarekiko auzietarako jurisdikzioa arautzen duenaren, 46.1 artikuluan xedatutakoari jarraituz, administrazioarekiko auzi errekurtsua aurkeztu ahal izango da administrazioarekiko auzietarako epaitegi egokian. Horretarako, bi hilabeteko epea egongo da, ebazpena jakinarazi eta hurrengo egunetik aurrera.

Zuzenean aurka egin ezean, nahi izanez gero errekurtsua aurkeztu ahal izango zaio ebazpena eman duen organoari, hilabeteko epean, hura jakinarazi eta hurrengo egunetik aurrera, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatutakoarekin bat etorritz.

Bederatzigarrena. Emandako dirulaguntzak ordaintzea eta justifikatzea

1. Aldez aurreko eta konturako ordainketak egin ahal izango dira, foru arauetan ezarritakoaren arabera.

2. Aurrerakina, dirulaguntza emateko ebazpenak hala adierazten badu, ebazpena eman den egunetik aurrera ordainduko da.

Gainerakoa ordainketa bakarrean ordainduko da, egindako gastuak, behar bezala zerrendatuta, justifikatu ondoren, aurreko paragrafoan aipatutako "aurrerakina" kenduta. Oro har, diruz lagundutako jarduera bukatu ondoren, frogagiriak aurkeztu eta dirulaguntza kobratzeko eskatu ahal izango da, urteko gehieneko epearen mugaegunera arte zain izan beharrik gabe, hori baita dirulaguntza kobratzeko epeak arintzeko modu operatiborik egokiena.

Aurrekoa gorabehera, egiaztagiria aurkezteko gehieneko bi epe ezarri dira:

a) 2017ko urriaren 1a baino lehen amaitzen diren kultura ekintzen frogagiriak aurkezteko azken eguna 2017ko urriaren 31 izango da.

b) 2017ko azken hiruhilekoan amaitzen diren kultura ekintzen frogagiriak aurkezteko azken eguna 2017ko abenduaren 29a izango da.

Lortutako dirulaguntza justifikatzeko aurkeztutako gastuak ordaindu direla frogatzen ez bada, justifikatu beharreko aurrerakin moduan ordainduko da dirulaguntza.

2018ko otsailaren 23ra arteko epean aurkeztu beharko dira dirulaguntza justifikatzen duten gastuak ordaindu direla egiaztatzen duten agiriak.

Diruz lagundutako jarduera programak baterako finantzaketa izan badu, aurkeztu diren fakturek eta gainerako agiriekin Kultura Ekintza Zerbitzuaren zigilua izango dute. Bertan adieraziko da zer kopuru egotzi zaion zerbitzuak diruz lagundutako jarduera programaren justifikazioari.

Aurkeztu beharreko agiri guztiak jatorrizkoak izango dira edo, bestela, fotokopia konpultsatuak, eta diruz lagundu ahal den aurrekontuaren zenbatekoa edo gehiago egingo dute.

Dirulaguntzen justifikazioa egin beharko da Diputatuen Kontseiluaren urriaren 6ko 55/2015 Foru Dekretuak, Euskara, Kultura eta Kirol Sailak emango dituen dirulaguntzak arautuko dituzten oinarri orokorrak onartzen dituenak, hamargarren klausulan ezarritakoaren arabera.

3. Justifikazioa egiteko, erakunde onuradunek justifikazio kontu erraztua aurkeztuko dute, zeina arautzen baitute urriaren 19ko 11/2016 Foru Arauak, Arabako Lurralde Historikoko

dirulaguntzenak, 28.1 eta 2 artikuluetan eta Diputatuen Kontseiluaren urriaren 6ko 55/2015 Foru Dekretuak, Euskara, Kultura eta Kirol Sailaren lehia bidezko dirulaguntzen oinarri arautzaileak onartzen dituenak, 10. artikuluan, eta, horretarako, nahitaez bete beharko dute II. eranskina.

Honela egongo da osatuta justifikazio kontu erraztua:

1) Jardueren memoria bat, justifikatzen duena dirulaguntza ematean ezarritako baldintzak bete direla, eta honako hauek jasotzen dituena: egindako ekintzak, betetako helburuak edo lortutako emaitzak, erabilitako baliabideak, noiz gauzatu diren eta zein hizkuntza erabili den.

Hala badagokio, jardueraren genero eragina ere azalduko da memorian. Datuak, bildu bada, sexuaren arabera bereizita adieraziko dira, eta eskaeran jaso ziren genero berdintasunari buruzko alderdiak esplikatuko dira (berdintasunari buruzko edukiak, hizkera inklusiboa, genero eragina...).

2) Jardueraren gastu guztien zerrenda sailkatua, hau da, jardueraren aurrekontu osoa; zerrendan jarri beharko dira hartzekoduna, gastuen agiria edo faktura, zenbatekoa, jaulkipen data eta, hala badagokio, ordainketaren data.

3) Diruz lagundutako jarduera finantzatu duten bestelako diru sarrera eta dirulaguntzen xehetasunak, zenbatekoa eta jatorria adierazita.

4) Hala badagokio, itzulketaren ordainketa gutuna, aplikatu ez diren gerakinen kasuan; bai eta horietatik eratorritako interesena ere.

5) Diruz lagundutako jardueraren edo jardueren diru sarrera eta gastuen balantzea.

Bakar-bakarrik aurkeztu beharko dira jatorrizko fakturak edo agiri baliokideak, baldin eta, banaka edo multzoka, gastu kontzeptu bererako 1.000 euro gaingitzen badute (BEZa aparte), eta horiek ordaindu izanaren frogagiriak.

Instrukzio organoak eskatu ahal izango dizkie erakunde onuradunei egokitzat jotzen dituen dokumentu, argibide, frogagiri eta faktura guztiak, dirulaguntza bere xederako erabili dela behar bezala egiaztatu ahal izateko.

Gastuak justifikatzeko ez da onartuko honako datu hauek argi eta garbi azaltzen ez dituen fakturarik ez ordainagiririk:

- Jaulkitzailea, beraren izena edo sozietatearen izena eta NANA edo IFZ.
- Hartzailea, beraren izena edo sozietatearen izena eta NANA edo IFZ.
- Gastuaren xedea.
- Data
- Faktura zenbakia.

Era berean, ez dira onartuko justifikazio gastu gisa PFEZeko (pertsone fisikoen errentaren gaineko zerga) konturako atxikipenei buruz zerga araudian ezarritakoa betetzen ez duten faktura eta ordainagiriak.

Fakturak ordaindu direla egiaztatzeko agiriei dagokienez, ordainketaren frogagiri hauek onartuko dira:

– Bankuko jatorrizko ziurtagiria; bertan agertuko dira, gutxienez, zenbatekoa, data eta ordainketaren edo transferentziaren onuraduna. Ziurtagiri hori izenpetuta aurkeztuko da, eta/edo bankuaren zigilua jarrita daukala.

– Fakturaren jaulkitzaileak sinatutako eta/edo zigilatutako ziurtagiria; bertan agertuko dira faktura zenbakia, zenbatekoa eta ordainketa data.

– Posta arruntez jasotako jatorrizko banku laburpenak.

- Kontu korronteen libreten kopia konpultsatua, mugimenduak ageri dituenak.
- Posta elektronikoz jasotako banku laburpenak edo transferentzia agindu telematikoak, ordainketa edo transferentzia egin duen bankuaren zigilua jarrita.
- Jatorrizko erosketa txartelak, zenbatekoa ordaindu dela egiaztatzen dutenak (merkataritza guneetakoak, autobideetakoak, bidaia txartelak eta abar); edo jatorrizko fakturak, enpresa jaulkitzailearen zigilu eta guzti, ordainketa egin dela ziurtatzen dutenak.

Ez da onartuko eskudirutan ordaintzea 2017rako indarreko araudian ezartzen den zenbatekoa edo hortik gorakoa (edo horren kontrabalioa atzerriko dirutan).


Aurreko paragrafoan adierazitako zenbatekoa kalkulatzeko, eta ondasunak entregatzea edo zerbitzuak ematea zatika egin bada, batu egingo dira egindako eragiketa edo ordainketa guztien zenbatekoak.

Hamargarrena. Dirulaguntzen bateraezintasuna

Dirulaguntzak emateko oinarri orokor arautzaileetan ezarritakoa gorabehera, deialdi honetan emandako dirulaguntzak bateraezinak izango dira Arabako Foru Aldundiko beste sailetatik edo horiei atxikitako erakundeetatik jaso daitezkeen dirulaguntzekin.

Hamaikagarrena. Publizitatea

Deialdi hau ALHAOn argitaratuko da, eta ahaleginak egingo dira komunikabideetan ahalik eta zabalkunde handiena izan dezan.

 <p>Arabako Foru Aldundia Diputación Foral de Álava www.araba.eus</p>	<h2>Udalek eta Kuadrillek sustatuko kultur jarduerak garatzeko dirulaguntzetarako eskaera</h2> <h3>Solicitud de subvención para el desarrollo de iniciativas culturales promovidas por Ayuntamientos y Cuadrillas</h3> <h1 style="float: right;">2017</h1>
--	--

Euskara, Kultura
eta Kirol SailaDepartamento de Euskera,
Cultura y Deporte

I. ERANSKINA ■ ANEXO I

Eskaera zk. ■ Nº Solicitud Eskera data ■ Fecha Solicitud

(Administrazioak betetzeko ■ A cumplimentar por la Administración)

ESKATZAILEA ■ SOLICITANTE ⁽¹⁾

Identifikazio agiria ■ Documento identificativo				Identifikazio zk. ■ Nº identificativo		Sexua ■ Sexo		
<input type="checkbox"/> IKZ CIF	<input type="checkbox"/> NAN DNI	<input type="checkbox"/> AIZ NIE	<input type="checkbox"/> Besteren bat Otro			<input type="checkbox"/> Emakumea Mujer	<input type="checkbox"/> Gizona Hombre	
Izena edo sozietatearen izena ■ Nombre o razón social				Lehen abizena ■ Primer apellido		Bigarren abizena ■ Segundo apellido		
Helbidea (kalea) ■ Domicilio (calle)				Zk. ■ Núm.	Letra	Eskra. ■ Escal.	Solairua ■ Piso	Aldea ■ Mano
Herrialdea ■ País		Probintzia ■ Provincia		Udalerría ■ Municipio		Herria ■ Localidad		P. K. ■ C. P.
Telefona ■ Teléfono		Mugikorra ■ Móvil		Faxa ■ Fax		Posta elektronikoa ■ Correo electrónico		

JAKINARAZPENETARAKO HELBIDEA ■ DOMICILIO A EFECTOS DE NOTIFICACIÓN POSTAL ⁽²⁾

(Ez da bete behar eskatzailearen datuekin bat egiten badute ■ No rellenar si coincide con los datos de la persona solicitante)

Helbidea (kalea) ■ Domicilio (calle)				Zk. ■ Núm.	Letra	Eskra. ■ Escal.	Solairua ■ Piso	Aldea ■ Mano
Herrialdea ■ País		Probintzia ■ Provincia		Udalerría ■ Municipio		Herria ■ Localidad		P. K. ■ C. P.

LEGEZKO ORDEZKARIA ■ REPRESENTANTE LEGAL

(Pertsona juridikoentzat nahitaezkoa da ■ Obligatorio para las personas jurídicas)

Identifikazio agiria ■ Documento identificativo			Identifikazio zk. ■ Nº identificativo		Sexua ■ Sexo	
<input type="checkbox"/> NAN DNI	<input type="checkbox"/> AIZ NIE	<input type="checkbox"/> Besteren bat Otro			<input type="checkbox"/> Emakumea Mujer	<input type="checkbox"/> Gizona Hombre
Izena ■ Nombre			Lehen abizena ■ Primer apellido		Bigarren abizena ■ Segundo apellido	
Protokolo zk. ■ Nº protocolo			Data ■ Fecha		Notario ■ Notario	
Telefona ■ Teléfono		Mugikorra ■ Móvil		Faxa ■ Fax		Posta elektronikoa ■ Correo electrónico



Arabako Foru
Aldundia
Diputación
Foral de Álava
www.araba.eus

Udalek eta Kuadrillek sustatuko kultur jarduerak garatzeko dirulaguntzetarako eskaera

Solicitud de subvención para el desarrollo de iniciativas culturales promovidas por Ayuntamientos y Cuadrillas

2017

Euskara, Kultura
eta Kirol Saila

Departamento de Euskera,
Cultura y Deporte

I. ERANSKINA ■ ANEXO I

(Tokia eta data ■ Lugar y fecha)

Eskatzailearen/Ordezkairearen sinadura ■ Firma de la persona solicitante/representante

Oharra (1)

Datu Pertsonalak Babesteko dauden arauak betez, jakinarazten dizugu zure datuak Aldundi honen fitategietan jasoko direla. Fitategi horiek Datuak Babesteko Euskal Agentziaren Erregistroan inskribatuta daude eta horren eskumeneko eginkizunak gauzatzeko egoki diren segurtasun neurriak dituzte. Datu horiek ez zaizkie beste pertsona batzuei jakinarazko, legeak baimendutako kasuetan izan ezik. Datuen kontra egiteko, datuetan sartzeko, datuak zuzentzeko edo ezereztzeko eskubideak egikaritu ahal izango dituzu Arabako Foru Aldundiaren Erregistroaren Bulegoan (Prohibitzia plaza 5, P. K. 01001 Gasteiz, Araba).

Oharra (2)

Nahi baduzu administrazioak bide telematikoz bidal diezazkizun jakinarazpenak, alta eman beharko duzu jakinarazpen Telematikoen Zerbitzuan eta administrazioekin harremanetan jartzeko, **posta elektronikoa bakarraren helbidea (EBH)** lortu. Ondoren, zerbitzu horrek gaituta dituen prozeduratan harpidetun egin ahal izango zara. Jakinarazpenak bide telematikoz jasotzeari utzi nahi izanez gero, nahikoa izango duzu dagokion prozeduran baja ematea.

Oharra

Berdintasunaren arloko araudia betez, honako hau ADIERAZTEN DUT:

LEHENENGOA.- Ez ordezkatzen dudan erakundeak ez erakunde horretako gobernu edo administrazio organoetako kide diren inongo pertsona juridikok edo elkartek ez duela, sexua dela eta, inor baztertzeko, ez zuzenean ez zeharka, onarpen eta funtzionamendu prozesuetan, OLoren 13. artikuluan eta Euskadiko Berdintasun Legearen 24(2) artikuluan xedatutakoarekin bat etorritik.

BIGARRENA.- Ez ni ez ordezkatzen dudan erakunde edo erakunde horretako gobernu edo administrazio organoetako kide diren inongo pertsona juridiko edo elkartek ez dela zigortua izan, ez arlo penalean ez administrazioan, sexua dela eta, inor baztertzeko, ez eta abuztuaren 4ko 5/2000 Legegintzako Errege Dekretuan eta martxoaren 22ko 3/2007 Lege Organikoaren xedapen gehigarrietako hamalaurgarrean zehar eta emakumeen berdintasun arloan xedatutakoak urratzeagatik ere. Legegintzako errege dekretuak Gizarte Ordenaren Arau Hauste eta Zehapenei buruzko Legearen testu bateratua onartzen du eta lege organikoak emakume eta gizonen arteko benetako berdintasuna. Hona hemen halako batzuk, besteak beste:

1. Ez bete Langileen Estatutuko edo aplikagarri den hitzarmen kolektiboak berdintasun planen arloan ezarritako betebeharrak.
2. Sexua dela eta, ordainsari, lanaldi, prestakuntza, sustapen eta gainerako lan baldintzetan bereizkeria zuzena edo zeharkakoa dakarten enpresa erabakiak.
3. Langileek enpresan eginko erreklamazio edo berdintasun eta bereizkeriak gabeko printzipioa betetzeko eskatzen duten egintza administrazio edo judicial baten aurrean, haien aurkako jarrera dakarten enpresaburuaren erabakiak.
4. Publizitate edo beste zernahi hedatze bidez, baldintzak ezartzea, sexua arrazoi, onerako edo txarrerako baztertzeko erabakiak.
5. Sexu-jazarpena, enpresa zuzendaritzaren eskumenen baitako arloetan gertatzen denean, jazarlea normahi dela ere, baldin eta enpresaburuak, jakinaren gainean, ez badu neurrik hartu halakorik ekiditeko.
6. Sexu-jazarpena, enpresa zuzendaritzaren eskumenen baitako arloetan gertatzen denean, jazarlea normahi dela ere, baldin eta enpresaburuak, jakinaren gainean, ez badu neurrik hartu halakorik ekiditeko.
7. Berdintasun planik ez egitea edo aplikatzea edo, halakorik izan arren, argi eta garbi ez betetzea, baldin eta plan hori egiteak abuztuaren 4ko 5/2000 Legegintzako Errege Dekretuaren 46 bis 2 paragrafoan xedatutakoari erantzuten badio. Legegintzako dekretu horrek Gizarte Ordenaren Arau Hauste eta Zehapenei buruzko Legearen testu bateratua onartzen du.

Nota (1)

En cumplimiento de la normativa de "Protección de Datos de Carácter Personal", le informamos de que sus datos se incluirán en ficheros de esta Diputación, inscritos en la Agencia Vasca de Protección de Datos y que cuentan con las medidas de seguridad adecuadas para la realización de funciones de su competencia. No serán comunicados a otras personas fuera de los supuestos habilitados legalmente. Podrá ejercitar los derechos de oposición, acceso, rectificación y cancelación en la Oficina de Registro de la Diputación Foral de Álava, Plaza de la Provincia, 5. C. P. 01001 Vitoria-Gasteiz (Álava).

Nota (2)

Si quiere que la Administración le remita las notificaciones por vía telemática, deberá darse de alta en el Servicio de Notificaciones Telemáticas y obtener una **dirección de correo electrónico única (DEU)** con la que comunicarse con la Administración, suscribiéndose, posteriormente, a los **procedimientos** que tengan habilitado este servicio, podrá dejar de recibir las notificaciones de forma telemática al dar de baja la suscripción al procedimiento correspondiente

Nota

En cumplimiento de la normativa en materia de Igualdad DECLARO:

PRIMERO.- Que ni la organización a la que represento, ni persona jurídica o entidad alguna de las que forman parte de los órganos de gobierno o administración de la entidad a la que represento realizamos actos de discriminación directa y/o indirecta por razón de sexo en los procesos de admisión o en el funcionamiento de conformidad con lo estipulado en el artículo 13 de la LGS y artículo 24(2) de la Ley de Igualdad de Euskadi

SEGUNDO.- Que ni yo, ni la organización a la que represento, ni persona alguna de las que forman parte de los órganos de gobierno o administración de esta sociedad, hemos sido sancionados penal y/o administrativamente por discriminación por razón de sexo y/o por infracciones en materia de igualdad entre mujeres y hombres derivadas del Real Decreto Legislativo 5/2000, de 4 de agosto, por el que se aprueba el texto refundido de la Ley sobre Infracciones y Sanciones en el Orden Social y Disposición Adicional Decimocuarta de la Ley Orgánica 3/2007, para la igualdad efectiva de mujeres y hombres de 22 de marzo (entre otras, a título no limitativo).

1. No cumplir las obligaciones que en materia de planes de igualdad establecen el Estatuto de los Trabajadores o el convenio colectivo que sea de aplicación
2. Decisiones unilaterales de la empresa que impliquen discriminaciones directas o indirectas adversas en materia de retribuciones, jornadas, formación, promoción y demás condiciones de trabajo, por circunstancias de sexo.
3. Decisiones del empresario que supongan un trato desfavorable de los trabajadores como reacción ante una reclamación efectuada en la empresa o ante una acción administrativa o judicial destinada a exigir el cumplimiento del principio de igualdad de trato y no discriminación
4. Establecer condiciones, mediante la publicidad, difusión o por cualquier otro medio, que constituyan discriminaciones favorables o adversas para el acceso al empleo por motivos de sexo.
5. Acoso sexual, cuando se produzca dentro del ámbito a que alcanzan las facultades de dirección empresarial, cualquiera que sea el sujeto activo de la misma
6. Acoso por razón de sexo, cuando se produzcan dentro del ámbito a que alcanzan las facultades de dirección empresarial, cualquiera que sea el sujeto activo del mismo, siempre que, conocido por el empresario, éste no hubiera adoptado las medidas necesarias para impedirlo
7. No elaborar o no aplicar el plan de igualdad, o hacerlo incumpliendo manifiestamente los términos previstos, cuando la obligación de realizar dicho plan responda a lo establecido en el Apartado 2 del 46 bis del Real Decreto Legislativo 5/2000, de 4 de agosto, por el que se aprueba el texto refundido de la Ley sobre Infracciones y Sanciones en el Orden Social.

Oria ■ Hoja 3/3

